

يىل : ۱ صاينى ۵

يىللىقى

عثمانلى مملەكتى ايچىن ۱۲ غروش
روسىيە و عجمستان ايچىن ۲ روبلە
باشقا مملەكتلر ايچىن ۵ فرانك

صايدىسى ۱۰ پارا

تۈرك سوزى

خلقه دوغرو كىتمەك ، خلق ايچون چاليشمق . . .

هفتەدە بىر « تۈرك يوردى » طرفندە يېقىرىلدى

مدىرى جلال ساھر

اداره خانه

استانبولده نور عثمانىيە
جاده سنده ۴۰ نومرولى
« تۈرك يوردى »

پنجشنبه ۸ مايس ۱۳۳۰

بو صايدەكى بازيلر :

عثمانليجه ده گيل توركجه ، عمر سيف الدين * شعر : قوشما ، تارخان * تجارتك استقبالي : بقال دكانلرى ، هابل آدم * ادرنه
اويانيور ، آ . ح * تورك دنيا سنده ، ت . س * تورك كوچنك مسامره سى ، تورك سوزى * مىللى حكايه : تورك چوجوغى ، عمر سيف الدين *

ایشته بویله هر ملت گیبی آدرنه نك چوققلری ده
کندی تورکلکلرینه صاریلیرلر ، استقبال دوشمانلرینه
قارشى گلمگه حاضرلانیرلرسه آدرنه یی برداهاصلیب آلاماز.
شونی ده بیللمی که بروطنی قلعه لر ، استحکاملر محافظه
ایتمز . آنجاق ملی تعصبدر که دوشمانلریمزی قورقوتور .
اونلری ییلدیریر . جسارتلرینی قیرار .

ای آدرنه نك خالص تورک اوغلی تورک چوققلری !
اویانیگز . چالیشگز ! بابالریگز سزك چوق جسور و قوتلی
ایدیلر . او صحرالرده هر گون جرید اوینارلر ، آت
قوشدوریرلردی . شهره ، اولره یالیز یاتمق اویومق
ایچون گیرلردی . یازین آدرنه نك ایچی قادینلرک ،
دیشی تورک دلیقانیلیرلرینک ایدی . او وقتلر تورک
دلیقانیلیرلر قهوه لرده پینه کله مک ده گیل آو و چیفت
آرقاسنده ترلرلردی . او وقتلر دوشمان آدرنه یی آلمق
ده گیل ، حتی طونای گچه مزیدی ... ایشته سز ، ای
گنج آدرنه لیلر ! بویویه جک پایتختک تورک خاقانلغک ،
بوتون دنیاده کی اسلام خلافتک دائمی بکجیلری ،
دائمی مدافعلری اولاجقسکز .

آ . ع

تورک دنیاسنده

با کورده « معارف نسوانه » جمعیتی . — بوگونلرده
باکو و بوتون قافقاسیا تورکلری یقینده اچیلایق بویوک
برجمیت ایچون حاضرلانیورلر . شیمدی یه قادار یالیز
کندی کندیلرینه بیلگی یه چالیشان باکو خانملری بوکره
برلشهرک علم و معرفت تحصیلدن محروم قالان دیگر
همشیره لرینی ده ایشیقلاندیرمق ایچون « معارف نسوان »
آدلی برجمیت آچمغه قرار ویرمشلردر . بونک ایچون
بر قاق دفعه طولانهرق بو خصوصده مشاوره
ایتمشلر . بونلرک ائک زیاده ایلری سوردیکلری
شی قافقاسیه ده قیزلر ایچون بر مسلمان دارالمعلماتی
آچدیرمق مسئله سی در . موفق اولمالرینی دیلهرز .

فینلانیه یی مسلمانلری . — فینلانیدیانک بر چوق
شهرنده اولدینی گیبی کیلسینغفورس شهرنده ده یاشایان

بر چوق شمال تورکلری واردر . بواهایلی اوراده تجارتله
یاشایورلر . جامعلری ، مکتبلری و جمعیت خیریه لری
واردر . « وقت » غزته سنده اوقوندیغنه گوره صوک
زمانلرده جمعیت خیریه لرینک اعضالری طولانمش و جمعیتک
سنه لک حسابی کورمشلردر . هم امام هم خلقه آنادیلی
اولان تورکجه و دین درس لرینی اوگرتمک ایچون موسقوادن
ولی احمد افندی اسمنده گنج بر معلم انتخاب ایتمشلر .
مذکور معلم افندی بوگونلرده فینلانیدیا یه کیده رک ایشه
باشلایه جقدر .

ت . س

هفته لوق مرادش :

تورک کورمپنک مسامره سی . — بویوک تورک عرقنک
گوچجه ، قوتجه باشقه عرقلردن گیری قالمایارق اجدادی گیبی
گوچلی . قوتلی اولدیغنی جهان بیلدیرمک ایچین مملکت مزده قورولان
« تورک گوجی » جمعیتک برنجی مسامره سی گچن بازار گونی
یاپیلدی . او گونی و آقشامی فرح تیاتروسى پک طولو ده گیل
ایدی ایشه ده قیللری تورکلک عشقیله چاربان کیمسه لردن جوغی
اوراده بولنیوردی .

مسامره اولا بحریمه موزیکه سیله باشلادی . موزیکه دن سوگرا
بویوک ملی شاعریمز محمد امین پک طرفندن تورکلگی تقدیر
ایتدیره جک و روحی اوقشایان تأثیرلی شعرلری هرکس طرفندن
چوق آلفیشلاندی . امین پک افندی دن سوگرا گوجک
مؤسسسلرندن قوزیجی اوغلی تحسین پک سوزده باشلادی .
او دییوردی که : « تورک دنیاسی دورت دیره ک اوزره رنده
قورولودر : بیلگی درنگی . تورک یوردی . تورک اوجاغی .
تورک گوجی . » هپسنک مسلکنى . غایه سنی سوبله دکدن سوگرا :
« تورکلک گوجی هر شیشه یتر . » دیه اینانیلان بر ایسته ک ایله
ایشه باشلایان تورک گوجنده : بویوک عرقنک نه گیبی مظفریتلره
قاووشه جغنی هر کسه مژده لهدی . و نهایت مرکزی استانبولده
اولان تورک گوجنک ولایتلرده بکرمی بش شعبه سی اولدیغنی
سوبله یهرک تورکلرایچون دماغک صاغلام اولدینی قدر بیلگک ده
اوقدر صاغلام اولماسی لازمکدیگنی بیلدیردی و صحنه دن چکیلدی .
کوججیلرک هنرلری بوندن سوگرا باشلايور . آق ، قیزیل ،
قارا و صاری اوبه لرلی طرفندن بر چوق ژیمناستیک هنرلری
گوسته ریلش گولله جیلر طرفندن سکسان کیلویه قادار آغیر کولله
اویونلری یاپیلمشدر . بونلردن دها اهمیتلی اولهرق گوججیلر
آراسنده گورش ده اولدی . گوججیلر مک چوق آلفیشلاندیلر .
و « تورکلک قانی » آدلی اوچ پرده لک ملی بر پیس اوینانهرق
مسامره یه نهایت ویریلدی .